

01 烏吉仔來做岫

林淑期

今仔日是歇暎日，阿母講：「誠久無去北海岸迤迤矣！咱來去石門拜訪嘉萍阿姨。」阿姨真好客，恁阮去個的魚池仔釣魚，閣恁阮去參觀個的山頂厝。

一下到遐，所有的物件攏予我感覺足新奇的。「媽，緊來看！遮有一面大壁鏡喔！對面的山、樹仔攏佇內底呢！」阿姨講：「這是以早金山農會改建，拆落來的自動門，阮爸爸感覺擲掉真無彩，共拈來用的。」阮四界參觀，發現有浮動做的面盆仔、大水柴做的椅仔、舊籬笆做的扞手、石枋做的挽枋，閣有細塊『thài-luh』寬寬仔鬥起來美麗的圖樣。予我感覺上神奇的，是阿公竟然利用遮特殊的地形——「石瀨¹」起一間厝，閣引山泉水來洗盪呢！

阿公講伊少年時陣，就真想欲來山頂飼鹿仔，過恬靜的生活。毋過，愛上班照顧家庭。一直到十幾年前，才開始四界去拈寶，人無愛的物件，就收來遮DIY，沓沓仔這間環保厝就起起來矣，實現伊青春的夢想。伊講，遮的櫻花、桂花、桃仔欖恰木瓜欖，攏是伊種的。閣有本底就有的山杉、楓仔樹鬥添妝，所以一年四季攏有無仝的自然景緻通欣賞。這陣，阮坐佇涼亭仔跔泡茶、開講，看著遠遠的樹

仔頂，有一陣長尾山娘飛來歇佇遐，那唱歌、那跳舞，共新娘尾仔撒袂停，好親像咧歡迎阮遮的都市做。

「𠵼！遐哪有兩撮草仔咧！」小妹擰頭看對楹仔去，原來佇涼亭仔的楹仔跔，有烏仔欲來遮做岫。阿公那笑那講：「無法度，阮遮地理好，烏仔佻愛來做岫咧！彼草仔就是烏吉仔咬來的啦！」阿姨講：「這種烏仔敢若咧變魔術咧！遠遠看是烏色，倚近看變茄仔色，日頭光一照，伊真正的毛，就敢若寶藍色的琉璃咧！」「著喔，個毋但嬲，閣誠骨力。」阿公繼落去講：「遮的烏仔透早天欲光，就佇阮的厝尾頂唱歌，敢若天然的亂鐘仔咧！」聽個按呢講，阮心內煞暗暗仔期待，希望這個烏仔岫會當趕緊做好，按呢，明年閣來的時，阮就會當看著烏仔困矣。

石門阿公的山頂厝，有大自然的清芳，嘛有尊重性命的環保心、鄉土情。遮，有伊青春的美夢，嘛有阮溫暖的記持。阮欲大聲共講：「會當來遮迤迤，實在福氣啦！多謝你！」

¹石瀨(luā)

04 蹓佇山頂的囡仔時陣

洪宿芬¹

阮阿公阿媽蹓佇山頂，遐的山路彎彎曲曲，路邊有足濟種的樹仔，大部分是果子樹，親像梨仔、桃仔、李仔、梅仔恰柑仔，嘛有山櫻花、油桐樹。一年四季行佇山路看著的，攏是真嬌真嬌的景緻。

細漢的時陣，阿爸阿母透早就去上班，我恰阿兄猶未讀幼稚園，就留佇厝裡予阿公阿媽顧。阮阿公做山種梨仔，日時佇園裡沃水、落肥、剷草、剪枝、接花……，三不五時閣愛濺藥仔。逐工逐工攏有足濟稽頭愛做，流汗流滴才有果子通收成。園裡較危險，所以阮兄妹仔日時攏綴佇阿媽身軀邊。阿媽有一塊菜園仔，種一寡菜通家己食。逐擺阮綴去菜園仔，就逐蝶仔、掠蟲、褪赤跤泥漉糊仔糜，要甲規身軀垃圾哩囉。阿媽若沃菜沃好，越頭看著阮兄妹仔，攏會驚一趔，隨喝聲講：「哎喲！恁兩個哪會遮勢醬？」繼落來水管牽過來，就對阮的跤沖落去，阮攏嘛笑甲蹓蹓跳，一直喝：「阿媽！足涼的！我的手嘛欲沖予涼涼涼！」

毋過阿媽可能感覺阮傷過賤，所以閣來就真少恁阮去菜園仔矣！毋過佇厝裡阮嘛袂無聊，兩個人坐佇冊房的塗跤扮公伙仔。有時是阿兄叫我做狗仔，我就用爬的，假影是一隻細細隻的狗仔囡，寬寬仔爬去伊的跤邊司奶；有時

換伊假做我的貓咪，我若叫伊：「貓咪來，貓咪來！」阿兄會真古錐一直嚶嚶叫，爬來我的身軀邊共我舐指頭仔，有夠攏的，阮兩個定定要甲毋知通歇睏。

尾仔阿兄恰阿爸阿母搬厝去街市讀幼稚園，賸我家己蹓佇阿公阿媽兜。佇山頂無伴的日子，我上恰意阿公有閒的時陣，會駛搬運機，載我恰阿媽，沓沓仔行山路出去到大路邊。遐有一間簸仔店，店內阿婆對我誠好，逐擺攏會提糖仔予我食，所以我誠愛去遐。

這馬我嘛離開山頂來到街市讀冊，想起彼段蹓佇山頂的日子，我猶是足數念的。逐工都想欲閣轉去共阿公阿媽司奶，想欲自由自在佇菜園仔拋拋走……。

啊！蹓佇山頂的日子實在是我上甘甜的記持！

¹洪宿芬(Âng Siù-hun)